

西北考古文獻 第五卷

中國西北文獻叢書



中國西北文獻叢書·第七輯

西北考古文獻

第五卷



西北

一九九零年
十月
中國·蘭州

文編

卷一

中國西北文編叢書

隴右金石錄

三

隴右金石錄卷八

臨洮 張維鴻汀纂次

明平涼重修問道宮碑

在平涼崟峒山今存

崟峒山志 問道宮在山麓潭北唐時已有之元至明宣德萬曆間韓王重修俱有碑記

按明史諸王世表太祖洪武二十四年封庶二十子楸爲安王永樂六年就藩平涼府十五年薨無子國除又洪武二十四年封庶二十子松爲韓王未就藩永樂五年薨子冲煖八年襲封二十二年改封平涼府傳十三王崇禎十六年賊陷平涼國亡冲煖薨於正統五年故宣德時韓王卽恭王冲煖也冲煖七世孫端王朗錡隆慶三年襲封萬曆三十四年薨曾孫末王亶增襲崇禎末城陷被執萬曆時韓王重修不知其爲朗錡或亶增錄以俟考

利民渠記

在平涼縣城今佚

陝之平涼郡治東抵涇州有平衍壤地廣袤數百里而涇河之水實經流其間引以浸灌則土田膏液年穀可擬豐登尙何熯旱之足恤乎特圖志所載故無渠埭而居人習以成俗舉目前洎闕之水則信其奔流置爲棄物凡有播種歲率仰給於天天雨及時則坐享有年一遇魃虐流行則計無所施不但距河入深之地不霑其利雖夾河兩岸之間亦不蒙餘波之潤踴蹙告災之外惟束手待斃而已歷千百載間竟無興念於此而倡之者成化甲辰歲夏秋不雨屬歲大祲侍御史中丞南舒鄭公時實受簡命重託鎮撫關中嘗符移六道周諏民隱興堰減以佐耕至冬會卹焚有警告變日急上命版曹亞卿媽川李公符畀以節鉞之寄越今年乙巳春推穀入境內卽檄籲守臣疏決河渠以勸農事其引災興利之心蓋與中丞

公不謀而自同也僉憲陽城李君經分道關西首以所部平涼之地論列請命二公曰急圖之勿後也憲使延平羅君明時與聞之亦力贊興事維時李君續食平涼敦琢官屬荒度土功適郡之豪右強梁齟齬百出君則不暇顧恤毅然調役屬工始自府治城北淪淪泉以濯蔬圃而官民賴之繼分引涇水五里鋪至東二十里鋪爲一渠楊家磨抵四十里鋪爲四渠袁家莊至七十里鋪爲二渠迤東至九十里鋪北引涇水一渠南引金龍池白水驛河二渠合流花家莊東行二十里逾平涼境連互開一大渠又流四十里抵涇州城西會汭入涇官路之南渠不可通乃疏百泉王村等溝析爲七渠涇河之北河岸漸高又疏金池瓦窰等溝析爲六渠州城西引汭水傍城北析東山下引注附郭田園獨令成渠汭迤西至崇信縣界散引河子楮家等溝別爲一十一渠州城之東地高河下難於築堰隸南山者引木家溝至范家溝作一十五渠隸北山者引路家溝至白水溝析

爲一十一渠合而計之以渠則六十有一以道里幾二百里許以溉田則三千頃有奇也渠之制深十五六尺淺者亦居其五之四廣六七尺窄者亦居其三之二長短大率不齊惟視水力所至故不限於丈尺也渠當路衝則就渠身舊土剋通爲梁以便行旅又建石刊木架水槽以接不通壘堰壩以固河防始事於是歲三月之朔民歡趨之百日而告成部吏工匠皆無所預惟拱手以受李公成算而已未幾亞卿公按節平涼因命之曰利民渠於是渠水浸溢土脈漸漬來牟獲收成之望秋田遂長養之天其功甚大而費則省使非亞卿中丞發端開始於前憲使羅君慇懃於成則李君規撫綜理之密亦將遏佚而弗章矣又况穹壤間利民盛事秘久不發必有神物以呵護之者失此機會抑不知當幾何時以建萬年無窮之澤也有司鑒石請記其事予惟此渠之功州郡利戶與凡往來目擊之人固已頌而歌之宜不待記而顯且二公當此兵燹之日分閫鎮靜決策如

流非獨烽埃煙消邊徼安堵而八郡垂亡所賴以全活者動以萬衆水利之興又特其一事也姑以志其本末以告後之長民者使知成之不易如此相與維持而增葺之是固二公之心抑亦羅君李君之志也遂書爲記

宣統廿二年
平涼縣志
知縣張謙撰

城濠注水記

在平涼縣城今佚

平涼府城南山之麓而北據涇東臨小峪而西阻乾溝之涇上有泉穴城而湧以周乎城之北其西號曰暖泉以爲韓之沼其東號曰長樂園以爲襄陵之囿獨南濠廢不治或稍藝苜蓿以規吞并嘉靖壬寅夏六月兵部右侍郎兼右僉都御史巡撫趙公揚威塞上振旅東歸於是分守參政龔君分巡僉事康君率其屬知府王君行都指揮事黃君奉公以登城歷覽四隅時乾溝流潦方漲可以注城之西南而小峪之水卽時春所謂浚

谷者固常斃而溝之可以入城之東南乾溝之水伏見不常而東濠下流
爲郭城居民萃焉徃丁亥歲水大墊民以千計溺公廼命崇其墉基以遏
奔潰而西溝之伏乾者疏治其上流期可必得是冬公以戶部左侍郎移
督山西軍儲奉公命者務底有績罔敢墜隕屬府人趙時春志之石樹于
墉址以告成事實嘉靖癸卯仲春朔日

按此碑嘉靖十六年趙中丞時春所撰見浚谷集

玉女洞摩崖

在平涼崆峒山今存

崆峒山志 玉女洞在上天梯路左上鰲黃帝問道處五
人字蜀人張聯奎書也右鰲黃帝問道處五

東塔記

在平涼城東今佚

塔七級鎮浮屠宮後琢石以爲基覆之視其殿楯欄欂櫨施磚墮之下以

億計周緣鈴索用五金之材以千計創手於嘉靖乙未初夏丙午春初告成凡厥用意勤至上爲明聖祝釐下爲士庶祈休蓋推廣先昭王與今嗣王之令德而欲播諸人人者也略斯塔者當儼然研其精義入於正覺彼以殺爲戒則凡省苛法以壽民節宴遊以裕物者不可不知也彼以貪爲戒則凡薄賦歛以惠下講禮教以睦族斥遠言利之臣式昭恭儉之德者不可不知也彼以嗔爲戒則凡讒佞搆間之來過差嫌隙之端待之以定性馭之以至公者不可不知也浮屠氏讓國以修行故人貴其身如山岳是以塔而藏焉昭王盛年奄棄千乘之尊太妃晚節施散萬金之資脗合浮屠氏之奧旨矣則凡被夫教育者必能恪守寶訓淡泊無爲靜以養心簡以御事怡神於虛明清淑之域以享大雅樂善之休茲塔將與有光時春將陰受其惠焉故不敢以不習浮屠氏辭謹奉宣嘉問以爲之記

按此記嘉靖二十五年趙時春撰見浚谷集

東塔寺記

在平涼城東今佚

寺以塔名重在塔也浮屠氏起西南夷患夷俗多欲幻妄欲以寂虛化之唯恐其弗勝其後延入中國凡王公貴人反以其富貴施諸浮屠氏敬而禮之常恐弗能勝其志故韓國溫太妃爰懷先昭王應世隨化散財酬德廼卜東郊離而枕岡考勝爲琉璃宮七以奉浮屠前爲天王又前爲金剛以呵護山門宮之左右各翼以廊以貌古之禮敬浮屠而得其三昧者左右廊之前益之以樓以載鼓鏞爲香火諷唄之節其外環以精舍僧廚崇垣複門種種具足然大要歸重於塔故爲亭以居碑者又二一以志夫寺一以志夫塔

按此記亦嘉靖二十五年趙時春撰見浚谷集

韓藩香爐

在平涼崆峒山今存

按崆峒山黃帝城有明時銅爐高二尺一寸直徑一尺五寸雙耳三足有字十二行五十九字其文云岢大明崇禎三年歲次庚午季春韓藩太妃國母董氏韓王世藩妃慕容氏虔造後有內職及金火匠題名

華亭重修文廟碑

在華亭文廟今存

華亭縣志
明正德
文廟碑
宣德
時工部侍郎楊繼文在文廟中

劉師中墓碑

在華亭雙鳳山今存

華亭縣志
明劉師中墓誌銘
鳳山北有趙時春所書墓誌銘

復古南門碑

隴右金石錄

明三

五

在華亭縣城今佚

古之貴於今者何耶苟其非有宜於今則其存焉者寡矣軒轅氏之弓啓之劍夏后氏之鼎有殷氏之輅周之鉶彝鬯更秦火砥礪世代之兵革彼其社稷已丘墟宗廟已不血食而其器物陳蹟歸然獨傳至今異哉世之人何其薄於今而珍於古歟將其古之可薄者固無以至於今而其珍於今者將古之所同歟使其善政流俗不幸不與器物而俱存而猶幸不熄於衆情之所不能已者則謂之復古也尤宜華亭縣之有南門與縣始門之內設橫達與門始方縣之盛爲儀州由州而爲縣故縣之邑井宜繁而達衢宜衆遭兵凶乃廢盛時遣老睹之靡不疚心而歎嘆蓋咨嗟於人頤者凡數十有餘年嘉靖辛卯春內畿人齊君宏自蓬萊令尹茲邑愍其荒蕪則下令曰願復故達者聽地之沒官者輸其直達之宜通者通之門之宜復者復之其埴以培之閣以覆之重垣以翼之令當償其估唯力迺

役之民工未盈而齊君罷去後尹廣人莫君如德崇信令泗水薛君麒邑文學襄陵王君廷弼共竣厥役於是邑之耆耄咸歛諸君之善復古也且良其宜於今之人也又將冀見盛時邑井之繁而古人之善政流俗可興也咸請余記而勒之石且曰以示後人

按此碑嘉靖十四年趙中丞時春所撰見浚谷集

重修靈岩寺碑

在華亭南山今佚

華亭縣既復南門其門之前遠堞而環碧者爲南河河之南蒼蔚而呈翠者爲南山雙峯雙峯之上連雲結閣爲東西王母宮東宮之陰有叢林焉其遺址爲靈岩寺相傳以居尼萎而不受縣之嫠婦施氏張氏羣謀興復之不越歲而成背宮而面門依山而臨水噫孰使荆榛荒蕪之中而起幽遐清淑之觀乎始縣之南門塞而宮亦廢則寺鞠爲豐草今門復而宮亦

舉寺因爲之更新是孰使之而孰爲之者夫物理之興頹必有數存乎其間而不可知不可必也因王生邦彥之請記爲之拊掌而三嘆

按此碑亦嘉靖十四年趙時春撰見浚谷集

薛貞婦合葬墓表

在華亭東山今佚

按此墓表嘉靖十六年趙時春撰見浚谷集

創修惠民渠碑

在華亭縣城今存

關隴北支道華亭縣之西故縣人曰西山其谷東向而水注縣之前川者北曰綿柳灘至于劉家觜中曰觀音溝至于丹泉觀南曰節竹岔東南匯鹹池咸會于仙姑山之東麓曰汭水行十里度縣南門而東越崇信以會于涇故縣人曰南河迺涇之南源也地峻而流駛故民稍治以爲輪磨山